

集部

欽定四庫全書

東菜外集卷二

詳校官庶古士臣龍廷槐 主事臣吕雲棟覆勘

總校官知縣臣楊懋珩

校對官中書臣記 烙绿 監生臣黃嘉績 鏊

都鑒以為資用未備不可入 田而白至於經綸大業則內 原者史不絕紀庾亮之将 也內修外攘大業之所 神 州陸沈縣晉氏以來 吕祖謙 舉褚裒之徑赴 撰

金河区 必 言 安 短多寡之算不足煩前籌之箸然尚論古告者 有 之步 不 追無成績終不能 出旁觀者之所 王羲之謂雖有可喜之會而所憂乃重於所喜是三 也蔡謨憂其經營分表疲民以逞商浩之復謀 屋と 肵 川夏 ПK 在下至到彦之檀道濟王元謨沈慶之之流雖 丘裕之長安幾成而敗 也暴偶腐生玩成 抑亦先後陵節而戾經綸之序即溫之枋 图日 者固不可與論恢 既 濟 而覆追數其過 料意者名不 止 緮 亦 再 益 耶 踴

問方鎮在唐與國送為升降益其始列鎮於邊置將以 將何施而可 たい丁戸にう 陽之變議者固追各林甫之任番將然武德以來邊極 掉之患尚未見於天下自天實分置十道節度馴致漁 統之至永徽而始有節度之名至景雲而始有節 敗人事者又未必非此曹居两者之間而咨至當之論 略鳴劒抵掌志吞狼居之北莫不壯其快然橫挑强敵 于開元文武选用不久任不兼領不選授尾大不 東菜外集

深考而十道之分鎮輿地封略要必有失形格勢禁之 成守城鎮守捉小大相維餘百年而無變者其制要當 宜者無徒曰禄山非池中物而已也安史既平而藩鎮 欲食言陸敬輿益懇懇言之汁水之變歲月未幾耳乃 悦於孤窮之中者釁端果安在而羣叛相仍同時有四 ヨグで 之禍方始雖僕固懷恩養冠以自封然此大事也子儀 獨革曾無一言乎建中之元威令幾振其所以失田 一帝之借又誰致之也奉天息兵之詔始返都邑處

將 策所制者盧龍一道而已王庭湊史憲誠相挺而起又 師老財弊終於講解何前智而今愚邪澤潞之役李德 朔 不如闢長江之阻則不如錡彼易而此難其故何也 詳皆當條舉其間如准蔡一役宿兵數年劒門之險則 て うに こう 再失議者每恨蕭倪董不用劉總之策籍令盡如其 何以禦之耶督師于外者亦前日平准察之裴度也 東镁外集 河

宗以英武起衰弊元年平夏末年平山東謀畫攻戰之

選懦姑息而又煩敬與之諫人心勇怯何其不同也憲

金厂人口匠 皆前代倔强難制者奔走聽命無敢後先至於太平 更 大略圖回之密機經畫錯綜之本末先後顧因論唐深 國之初支郡遂罷而諸鎮皆歸於環衛矣两朝開闢 久得政長守此言根盤絡連何以為國若異時有所 置被將執右券以責我矣德裕之智豈不慮此益必 許河朔世襲以安其心此權一時之宜可也使德裕 斷不變區夏一時藩臣如符彦師向拱王景十數革 說存馬自大中以下則既無譏矣我藝祖之與天造

問晉氏之東衣冠人物蔚然萃於一時清標勝致觞詠 究其所以然 て、 丁三 ニー 戚顧專方面之威自外制內使居中者不忍則將何 矣乃尚持遵養時晦之論何即庾元規以元舅同國休 談賞無益於治亂之數者皆置不論獨取其關盛衰者 繼之溫太真再造王室焯乎不可揜然辭京尹訴錢 坐視處仲之驚恃彤慮弗圖及再經蘇峻之獸可以懲 與諸君論之王茂洪芟草萊立社稷號為江左夷吾而 東東小集 鳳

譏當其歲寒視諸公何如也且車騎避權徇國其與謝 安石未知其孰先孰後曾謂料將揣敵反出部嘉實下 耶與公義之自放丘壑若不預世故者遷都之諫道勝 書空远不能有所為何其我耶劉真長一時名流皆推 推賢之義安在商深源係蒼生望至為元子所發咄出 下之試迹其實禪國益民者有幾下志正甘受瓦石之 異刺指之傳信乎否也戴若思號名士河南之行量能 正數請數陶士衡屏翰武昌議者方之孔明孟德彼折

問天子六卿諸侯三卿體統相承所以綱維天下之治 空不敢有加馬是制也益虞夏以來共之約之為百豐 論盍枚數而著于篇 之為二百張之為三百六十是特緝其目疏其流而於 甘之誓孟津牧野周之正朔將班矣猶曰司徒司馬司 也自伯禹作司空一見於虞之書而六事之咨再見於 7. 1.... 之論何其切於事情也觀其所由視其所以益必有定 則未之或改也四代官制至周官而備立政之作 東東外集

成於周公之手而立政亦公親筆也公自立之而自二 金月口屋白雪 於六卿果何居也東遷之後號鄭皆當為之關 三之何那三公下兼六卿諸侯亦或入為之在宣王詩 舉卵士矣繼之曰番維司徒是两官也六卿倡九牧清 父子世為周司徒嗣指卿士為司徒也和十月之文既 王命卿士太師皇父是皇父與太師兼卿士矣則未知 知其何職瑣瑣如鹊僕級衣阪尹之屬則亦缺馬周官 反復致意於常伯常任準人求於天地四時之官漫不

常伯之職乃不能以一大夫兼之即夏父弗尼為魯宗 伯見於左氏則先儒之說又未可信矣羽父求太宰臧 有和之者矣餘三職其誰受之先儒論傅其伍以三卿 其原於上列國之三卿受其委於下教化政事之倡固 那借曰東遷之後諸侯廢置自如傳載孔子以司冠相 氏為司寇使六官果卿之屬大夫則暈也必不降心求 之屬大夫兼太宰司寇之事就如其說曾謂為國以禮 之而臧孫之聘會春秋所書曷為例於三家無所輕重 うう こう 8 東京小庫

魯名不正則言不順命官非先王之故孔子肯安之邪 所祖述也至諸侯王國則置傅相中尉皆二千石而命 宋襄公羽之戰大司馬諫司馬子魚復諫同時而二司 甲兵漢氏中葉取諸侯三卿之名而位之三公抑又何 晉國之政乃授太傅陽子太師賈佗行馬其班爵亦少 司空司馬不得列於卿而參於與師候正之間其軒輕 馬何也晉士為為大司空則既與聞國政矣文襄之後 何意也太师太傅天子三公晉既偕有之而趙宣子成

金段四月全重

於天朝豈三卿之苗裔邪官師之升降治道之開塞係 馬盍相與求其說 者也益文景無可書之事而中世之君亦無可書之惡 問至治無象至亂亦無象治與未治實相遠而形相近 房杜無可載之功而具員之相亦無可載之過果何道 則其害有不勝言者矣畏其似而併棄其真則其害亦 似冗濫優将似怠荒精審似猶豫見其似而不得其真 而辯之耶寬大似疎闊簡易似縱弛安静似緘默函覆 とん十十十

「種固將以可憂為可喜以可戒為可師非是錯處而美 釋則猶有未判然者四十五十而無聞夫子前日方以 門始孔孟之所講盖當閱其略矣聞之與達也政之與 問學之不講聖人之所憂也講學烏乎始當自孔孟之 有不勝言者此論治體者所當辯之於早者也差之毫 義之內外也毫釐之際未當不精言而明辯之反復納 惡易位矣故願與諸君論之 事也性習之近遠也禮樂之先後也聖智之終始也仁 K

一部 中国 生書

愿後學及對子張之問處奪開而與達夫子亦言乎政 而智中此一章耳以智為尚則害前說以聖為尚則害 是耶非耶譬之金玉則智始而聖終譬之巧力則聖至 夫子舍其全而從其偏或曰將反周之丈而用夏之忠 遠不待訓話而可知性而曰相近其於一本同源之肯 載於春秋試取而枚數之抑孰為政孰為事也習之相 事之判舉其端而未當言其委定良之間誅賞號令具 果無可致思者耶質勝文者野也文質彬彬者君子也

マニフラ ハニラ

東菜外集

白而我白之斯言也益堅白同異之祖益子累章辯析 說其與義以方外奚辨孟子置仁內而不言或者告子 後說抑猶有並行而不相悖之論乎否也告子義外之 為解 部區洞達通貫然後可以言學其母以物色牝牡不 歷舉玉雪羽馬人五白之說借其矛而伐之而其技窮 名 物之同異可得而考乎夫精義所以致用要必章條 知仁耶則未有知仁而不知義也彼長而我長之彼

金欠し

ŧ.

惟兹有陳沒傳說之名而不稱何耶維師尚父佑文武 説於版築之中置諸丞獨三篇之書光明閱肆盖所謂 問周公作君奭之篇歷數成湯至于文武應臣碩輔 以與周詩之所歌孟子之所稱六韜之所載諸子百家 之所述不可誣也而周公論昭文王昭武王之臣徧舉 明良千載之遇而周公獨曰在武丁時則有若甘盤率 老所傳耳目所接宜其無毫釐之不盡也然高宗舉傅 烈之盛以勉召公夫立乎成王之世而望商周之問元

馬 虢 問兵食大政也以水佐攻者殭以水佐耕者豐益水者 為沒屏而為坊堙而為埭竒正出馬勝負判馬穰歉權 兵食之司命而江淮者抑又水之居也疏而為川 地形所謂射陽湖所謂末口所謂廣陵韓江流之源委 之具子夫差城形溝通江淮此自南通北之道也考其 又何也聖人之言抑揚去取為有深意周公豈欺我哉 列於史牒者處數之不能終其物試簡其二三策論 权散宜生泰顛南宫括之屬而不列太公於其間 匯而 抑

金只口居

白星

长一

舟 者以 所通滞何所開退論守禦者皆不可不察与陂之田曹 道也考其地形所謂精湖所謂廣陵故城何所經歷何 氏故迹也墾闢之略潴蓄之方殭畎之數可得而講 濡須之塢孫氏重地也城之南北岸之東西洲之中 可得而論乎齊垣崇祖之守壽陽欲堰淝水以自固議 師自熊循渦入淮寒冰舟不得入江此自北通南之 自 有淝水未當堰難之崇祖不顧終以取勝梁武 見を十二

勢之高下名之選易論進取者皆不可不務魏文帝

堰在梁則不可堰料於前者拙料於後者工豈天時不 也魏人謂終當自壞未幾竟如所料毒陽一地在齊可 異同版築之規畫灌溉之廣狹盖略可見舉一以例百 改者也其堤隱然首尾百五十里 與創之歲月議論之 益無足議若海陵之堰則范文正公之所參闕近而可 准堰埭相望雞鳴名伯西陵柳浦之屬其興其廢瑣瑣 齊而地利有改耶抑主客殊勢而攻守異便耶跨江被 堰淮水以灌毒陽浮山之役功力視崇祖不啻百倍 一多定四库全書

亦治水學者之經始也具以質言無為虚論 若不聞者意安在乎均之為異端也墨氏兼愛施猶及 民之類幾盡使楊墨得志其禍亦何以加此孟子置之 之學行於秦老莊虚無之說於晉勝廣淵勒之際生 孟子獨與楊墨辯夫豈餘子瑣瑣不足數耶申商刑名 問闢邪説正人心孟軻氏所以承三聖也自春秋之世 異端沒出至於戰國極矣稷下之盛自名其家者遙起 楊氏為我意專私已米益尤下於程孟子乃謂逃墨

嘗親與夷之辨矣指此額之端何以遽能使之無然自 文遷固非知孟子者然何以得此聲於後世耶老莊末 安在其為廓如也此猶可也史選謂孟子獵儒墨之遺 乃推尊孟子功不在禹下而孔墨相為用猶自筆之書 廓 失然彼夷之所謂施由親始視伊尹立愛惟親之論抑 何異乎後之儒者有言楊墨塞路孟子辭而關之然後 必歸於楊逃楊必歸於儒反近楊而遠墨何也當是時 如也東西都間儒墨並稱時出於名士之口唐韓愈

一多定匹库全書

流合吐納符現丹石衆技為一區其參錯殺雜之由宣 道同教與吾教異道與教又若之何而區别之也至若 嘗試祖孟子之遺說而闢之果能折其鋒耶抑猶未也 こうし こう 墨之害既息釋老之徒方張說者或謂釋近墨老近楊 諸公長者之論有曰修其本而末自勝所謂修者科條 而 次第政當講也有回以子觀於儒釋事事是句句合然 無可及而身毒之釋則晚出於永平之後者也聚今楊 不同所謂不同者毫釐之際政當辨也有曰道與吾 東東外保

金月世屋 台灣 傅奕之排釋氏則謂中國闕夫模象莊老以文飾之信 墓即刑猶汲汲欲有所聞吾不知所聞者復何事也勝 目之蓋當觀夏侯勝黄霸皆坐議廟樂繁獄霸既在縲 師 如是說則二氏本一家耳試併論之 吁當是時霸豈有策之可發科之可沙乎身被重劾旦 紲 生講肆防歌之聲四聞然論者既以發策決科之學 漢監泰弊弛挾書律六籍次第列於學官大都小色 乃欲從勝受經勝辭以罪死霸曰朝聞道夕死可矣

奇其意遂授以經緊再更冬講論不息勝之所授果霸 問年之貴於天下也久矣五帝憲三王乞言養老之典 勝易地而居承霸之問将何以授之 敬老之義浸不復聞以洙泗之間親被聖人之化仲尼 則相宣帝名蹟振耀一時意者尊所聞之效數諸君與 始所欲聞者敷抑猶未也小用之則出治顏川大用之 く・ 丁…」こう 者不負戴於道路何其盛也周室之東是禮浸廢尚齒 紀於書傳形於聲詩洋洋乎盈耳計算見効至於頒白 東策外集

金月四月月雪 尚有魯道衰之嘆沉非禮義之邦耶然仲尼親發是嘆 弟之義彼西都之孝文未當恢授杖執醬之鴻儀而習 大不相似聖人之抑揚操縱未必無說也以東漢後周 屢舉養老之禮而桓榮于謹之徒終不能示天下以孝 謂也盍深求其說 初無益人之國耶信如是則書傳聲詩之所以稱果何 俗敦厚者耋黄者惟然嬉戲殆若童雅意者是禮之與 而杖叩原壤之脛與夫四十五十無聞之言若與此意

史胥吏之徒猶三千六百有奇以一例六殆踰數萬干 祭祀也賓客也官師與隸之奉供也一歲之祭槱燎狸 按其所出之目錯見六職未易條舉其體大用鉅三馬 尺のうる これ方 里之入抑何以瞻之至於賓客之費則尤不可以理推 之所無也成周畫千里之畿以地計賦所入固有最矣 ! 酯辛肆厭並列交作取天官之屬舍其卿士大夫府 東菜外集

問古之制邦用者量入以為出約於出而豐於入固非

治世之事其入至一二而其出不啻倍後十百則亦理

者邦中之賦以待賓客郊甸縣稍關市山澤之征皆不 見以至於男於米於衛於要至陳且速者也大抵六歲 者莫若此也及按賓客之籍侯服歲一見甸服二歲 **畧編馬推掌客所載等之王國置其公侯伯禮之重者** 與馬先儒謂其賦二十而一地最被而賦最輕入之鮮 **禾三十車車為禾三十東成周撫封盖干有八百國輻** 見也出入三積其一積也米三十車車為米二十四斛 姑以子男論置其饔飧餼物之重者姑以禾米論其

凑屬至常試均之於六歲歲以三百子男國計之為斜 賦待之是納升勺之水而泄之以尾間也然未聞以不 足為慮可不深求其故耶漢氏度官用以賦民文帝除 者六十四萬有奇為東者八十一萬上之為公候伯加 農而吏禄之差三公月三百五十斛中二千石月百 所入不既鮮矣乎方是時京師南北軍之屯皆仰給大 民田租景帝三十税一山海舟車之利皆未領於縣官 之為狼賽鎮費固不可勝計以區區邦中二十取一之 The Just July 1 東家小集

近りし 武之出卒十萬張武之出車十乗騎十萬吳楚七國之 盖踰百萬斛此猶經費之有我者也匈奴間歲盗邊陳 叛至發三十六將軍天下之震動如此其他巡幸之役 佐史至丞相具員凡十三萬二百八十有五月之所廪 十解二千石月百二十斛下至百石吏猶月十六斛 闕告既甚可疑而都內費朽太倉栗腐復大可疑在周 疑不足者也而不聞其不足在漢非有餘者乃至於有 禱祠之費東帛之賜不為無事抑安所取此計臣不以 たと言 自

問風俗之變國勢之隆替寓馬昔者夏商周迭王也質 高帝徒步撥天下之亂其恢廓大度寬仁長者固将以 文之推移在聖門則有成説而齊魯之先公亦前上後 餘求其説而不得盍推其本末源流以對 洗秦人鎮薄苛刻之風再傳文景醇厚之治有加於初 世之弊於報政之初觀人之國者盖必於此馬占之漢 而辞語併侶之陋習尚錯見於流涕太息之疏元符之 網密刑嚴真以巧武深刻之吏風俗宜益趨於弊矣 東京小原

我与世四百百量 宣建武敦崇獎勵者固欲其至此耶其後建安七子風 海馴至末流甘陵之靈魚貫就戮之無補於勝敗之數 流醞籍談笑聞雅視字杜諸公行行自表者韋弦有問 失其柄何耶東漢自周黨嚴光之名清風高節震耀四 給之政威靈所被猶將十世賴之子元孫成乃以萎弱 而文物並與金聲玉振意者整齊風俗果在彼而不在 巧工匠亦成精其能前日醇厚之風一變於剛明肅 耶孝宣中與属精總核凛不可犯黃龍五鳳之間

矣施張舒卷果協於時而適於義耶嗚呼漢有天下餘 當自有方略必不闊視而坐談九年之蓄也平耀飲散 弊而莫之守也顧聞其說 シーンションショ 而立漢唐之朝制作未及定培養未及成急民之病要 制 問歲之有上下天地消息盈虚之理也以三十年之通 相激而不可知與其亦可以長守而後世不能舉偏補 四百年風俗屢變終莫能定於一豈亦天下之勢自有 國用論則甚正而不能舒旦夕之憂學變稷契易地 東東外集 ナベ

義倉曰常平使散賤增價而雜貴則减價而輕益有意 廢與不常宣無所以然者永明擬常平之制出上庫諸 售管李之遺業矣蕭望之争議容可該以儒者不通世 之法後之作者將有取馬見其出於管仲李悝望其名 務至元帝卒罷之望之之言果酬似未可以書生少之 而處少之非識時務實者也漢耿壽昌言於宣帝請名 其議而立之或者有所獨見非般所能與乎魏晉以降 也東都與是倉劉般以為外名利民內實侵刻明帝却

金好巴尼石電

之 乎否也別元修常平法淮浙劒南諸道以下濕不堪貯 皇中置倉備水旱轉相灌注若衛之黎陽華之廣通浴 郡錢數干萬市其程按其目不徒曰米栗而布帛絲蠟 7. . 文宗時取諸回易自唐而上不知於何取之猶有可及 取諸客户在德宗時取諸茶漆在憲宗時取諸地稅在 而不行於他郡乎是可疑也常平市雅之本在玄宗時 之屬皆在馬是果壽昌之信乎其意且何所屬也隋開 河陽而陝之倉獨名以常平豈斂散之制專行於陝 , - . - i 東美小集

金月四月子言 積 計司之餘議 色 來記令為常平而下者相踵使名雖仍舊費而參釋潤 之議具存因革損益之宜不可不三復也建炎紹與以 利益博法益詳矣熙寧改制出使者時飲散 講子國朝自淳化舉常平之政而嘉祐中下廣惠之制 酒有權非古也妹土之語萍氏之機文帝之部皆害 則非二二條矣亦可得而悉數乎盡博考折表以佐 討論貯儲之方益精而地氣不能病也其策可得而 一時在廷

スニーニー 之懲而匪利之奪也在漢中葉漁民財而奉邊費閥

東菜外集卷		_			多定四月全書
卷					77.
					卷一:
,				,	

欽定四庫全書 ノー ここここ 問統大道之傳者萬世所共宗也為子為孫言其父祖 之後嗣以仲尼則置武王尚公於何地不然仲尼之言 昔仲尼當有言曰文王既没文不在兹乎苟斷自文王 而吾道之譜牒闕然不講陋孰甚馬故願與諸君訂之)譜牒昭舛榜訛則必得不克負荷之誚以學者自名 東萊外集卷二 策問 8 東東外原 宋 吕祖謙 撰

金月巴尼石雪 遊於前而宽於後耶文武之道同伏義置是皆不同數 答張籍書又謂己之道乃夫子孟軻揚雄所傳之道何 得道之傳皆遺落弗載曾不得與菜朱散宜生伍抑又 授罔不成備其論仲尼則終之無有乎爾若顏淵自然 **舜文若合符節置是皆不合敷沂而上之則尊盧稀韋** 何數韓愈氏原道之篇謂軻死不得其傳用法嚴矣至 果何謂也孟軻氏七篇之終自堯舜記於仲凡上承下 大庭栗陸之道果何自而究其始公而下之則田駢宋

伐 舒惠施鄒行之屬果何自而叛其宗系其緒而醮其流 問昔之為兵者有所恃甲兵者兵之最末者也昔舜命 論之益不一矣有為君謀去奉公子者其謀慘矣而論 征苗之師而七旬之格知敷德之可恃也文樂崇墉之 吾 不戒也春秋之世兵師相校帝王遺意問有識者撫而 不偏為世不得已與師之正律也否則雖城而凶不 儒責也其詳著於篇 而因壘之降知修教之可恃也然則帝王之兵本末 Į 東菜外具 可

戰則取於禮樂慈愛有用列國之君於其社者其事定 九合之功成於楚服而誇師之言屈完得以折之晉之 難成而易虧即首林父必戰欲還之意善矣一動於獻 矣而為戰則留意於重傷二毛何見此而遺彼耶齊之 子之言遂濟河楚敖却伍參之請善矣一懼於楚王之 九合之功成於鄭服而偏師之不戒泰師得以敗之何 該然仁學之氣至伐鄭之議不可當吾世而失諸侯實 人遂出陳寧始非而終是耶桑隧之役樂武子不欲戰

金万世四八十

出其口圍皷之役首具不受降毅然忠正之意至東陽 光武不答獻策者去而立王郎邯鄲之變光武幾不免 其間固有欲失而偶得將敗而幸成者兵家所不可不 問光武身濟大業沈幾光物其戰勝攻取益不待論然 耶是數者皆疑而未得其說試求其所以 之略使師偽雞而襲皷滅之實尸其謀何前順而後戾 てこう きこう 其身而亦眉亦遂塗炭三輔矣一不答而興二忠豈光 也亦眉之未入長安或獻水攻之策謂百萬衆可魚 東萊外集

武真撫機而失或者有深於此者而後世未之見也荆 是歷之改必三百年之間可也歷觀前世莫有及者何 廣都之還何其神也其得其失要必有定論請辨其所 乃所倚非所倚耶謂光武不能明見萬里外則料吳漢 為重然岑彭尋斃於刺客成都之平呉漢實始終之無 門伐蜀之師光武固謂大司馬不晓水戰一由征南公 器久必弊數久必差固也古人謂三百年斗歷改憲 狄

象增之而亦非何也抑有可言者太初之造馬遷實職 見 矣人皆歸咎於日法之不分矣而繼大行者惟擬圖寫 其改之數也漢之歷四變而太初最密不百餘年而差 矛盾耶唐歷十三變而大行最密不半太初之年而差 之今以其書大餘小餘計之則古歷也非太初也何自 矣人皆歸咎於當去餘分而不去矣四分滅之而非 ノー アー・シュー 分而不能易者又何也抑有可言者大行之法後不能 而王撲則斬然自立一家雖失迫急而不緩亦難矣 東東小事

金天正是石電 晉唐之間凡日之有食若聚訟然記無中者則晦朔之 齊冬至之日歷之所生也或以為在斗或以為在建或 較之麟德歷大分餘者三十有奇小分餘者七十有奇 有關命侍臣復驗之甚盛舉也蓋聞仁宗時以其歷而 以差聞今歷雖成而主上以授時在幾衡為先務插懼 為在牽牛或以為在女須何耶歷之差差於日食而 源流誰自且歷之起起於斗度而跡密多寡率皆不 胸之徵孰從而正哉國朝之歷十餘變矣適者復

吏之與儒也材之與德也利之與義也章甫鷃弁相遇 問天下固有共指為两物而嗣 文武大略其難全蓋如此點吏生死案贖間視司空城 數語則史冊夸大以為異事或目以文武集備或目以 於塗目若不相見者閥人墨客僅能勝甲胄剽韜略之 **新歷官事也母泛母略** 明之以春秋而裁之以天地古今日歷之本此非星 與文之與武也

今日之歷將縮之將行之邪諸君其推之以易證之以

一二塗坐鎮雅俗之士時君不責以職業至於所期以共 多定四库全書 梟之孝經蘇威之五教人至於今笑之自材與德區為 武其論具存至今可覆也是四者果判然不相通耶則 所謂義之一字適足以資其嘲胡而已學士大夫之相 旦書為何等物而書生之從吏者例皆迂闊遲頓如宋 之計清介者視之若將流馬以貨殖自許者下比商賈 功名者則惟泛駕跅跪之材是取義利之分舊矣金穀 夾谷之會文事武備似不可分為两學優則仕仕優 200

學亦互為終始而無間也傳載十六相之才若宣慈惠 間吏儒混才德貫義利以起振古無前之盛治干載之 合者其必有間隔之地矣此固學者之所當講也主上 所未合者将合於今日矣諸生際盛時沐鴻化其可點 可並立也果相通耶則降秦漢以來干餘祀緊絕而不 而無言乎願仰質諸經俯證諸史昔何為而合後何為 紹休聖緒緝熈光明人茍可用無間文武事有可委無 之類乃世之所謂他利物和義列於十萬未聞其不

欽定匹庫全書 等耶其咨嗟景仰之行而願為之執鞭者殆未可厚非 問因天下之勢而順成之則易及天下之勢而逆成之 薄以馬胡則群彼固謂拾遺補關忠臣之至願有飲大 而分昔何為而一後何為而兩悉條於篇以窺所學 惠施一州者亦君子之所甚惜也况下黯與望之數十 則難外之不如內也遠之不如近也缺之不如親也勢 也汲照之直蕭望之之忠豈者進急利者哉以淮陽則)為治者将因天下之勢而順成之則皆競內而避 を二

柴近而唇遠希親而棄跡芒芒禹迹孰綱之而孰維之 權衛輕重未當或偏過者記非當歷部刺史郡守者母 耶將反天下之勢而逆持之使視郡國如朝廷視要荒 欠已日早亡号 | 他至渥也然士祖於天下之常勢夫豈一朝一夕所能 得除即有司奉行浸不如初詔於是申前制而風在列 日之所當先講者也肇唐虞而記五代本未輕重載於 回哉驅之必有術倡之必有始勸懲之必有具是皆今 如畿甸是倒江河而行之山也難矣哉國家制治審勢 東策外集

有餘年矣世之儒者亦當以六經之學而竊見之於用 六經成而不試付其責於後人以俟其驗至於今益十 問夫子祖述堯舜憲章文武萃百聖致治之法而著之 經之用果止於是敷六經之用果止於是則儒者之責 如以禹貢行河如以春秋斷獄如以三百五篇陳噫六 史牒者尚多有之其咸著於篇以佐朝 六經者當有堯舜禹湯文武未用之效彼章句小生斐 何其易塞也六經所載者堯舜禹湯文武未備之法用 論

然狂簡者曾何足為六經輕重耶是自夫子既成六經 諸君幸生明昌之朝前無阻後無緊將何以解其責 子之學夫子也步亦步趨亦趨終日不違於聖人之言 於齊梁抱遺經而不試識者不責二子而歸責於時令 敢指夫子之述作為虚言非儒者責耶极之於魯軻之 て うえ こう 無所不說蓋師者人之模範也苟非無一之不類則未 之後尚為未試之書也武六經之未試使異端惡黨不 仲尼設教於珠四之間三十之徒惟顏子為好學顏 東菜外集

路喜夫子之言是與夫子同者也乃反貶之夫子之與 開仕對以吾斯之未能信則說其論乗桴浮於海從我 而增不為愚者而損今顏子則以同見取奉弟子則以 同又何為而深取之耶聖人之教坯治一陶不為賢者 者其由與子路聞之喜則曰由也好勇過我無所取材 奉弟子不欲其同也如此則顏子之步趨語點無所 夫漆雕開拒夫子之言是與夫子異者也乃反進之子 足為肖也及及夫子之教奉弟子則異於是其使漆雕

金人口

近台書

問先天下而勞者聖人之求賢也後天下而逸者聖人 同見棄豈聖人之心誠有厚薄於其間耶願明辨之 て、うえ 人君之體而與下爭職耶貞觀之盛悉髦並與于陪于 E) 償側席之勞始而不勞斯謂怠終而不逸斯謂煩漢宣 視聽於穆清之上矣顧乃属精為治齊居决事皇皇然 任賢也側席之勞所以兆垂衣之逸垂衣之逸所以 不暇給夫豈數子者不足以代帝之勞耶抑帝未知 相丙魏将事趙收擊首小大奔走成奏厥功固可收 東菜外集

金为中五人 輔于若于宣于省于寺于臺于閣總然鬱然於斯為盛 是不遑暇食其勞視宣帝太宗有加馬此後世口不敢 道以文王之聖翼以八虞四友之賢而自朝至于日中 耶漢唐之君臣君子益交譏之然尚有可該者曰不 名為相太宗乃奪其事而自行之置房杜英衛董何地 許人才消朝而不足解太宗之憂公卿之耻也名為将 而太宗猶謂思天下事丙夜不安枕又以兼行將相自 非而心未免疑者也不對姚崇即更之奏明皇術能之

曾謂文王不如明皇乎舜文若合符節舜垂拱視天民 たこうる ここう 於法宫墩将如光武自樂此而不為疲數無亦兹文王 明揚公舉小大並進天下咸知得人之盛躬求賢之勞 基閉濟大業昧爽不顯聽納忘後天下成知臨政之勤 之异文王之勤乃如是是何勞逸之殊也主上紹履慶 翩 之憂動有非後世所能概者數其研精單思上探嗣 而不享任人之逸意者五帝其臣莫及不得巴而親事 與前世政治之勞逸人才之衆寡條陳縷數以觀 14 東菜外非

然後極其至學者乃欲以九年之速而配夫子一世之 成孔子之所集也孔子天縱將聖尚必自十五至七十 心所欲不踰矩其難如此而學記之所載一年視離經 辨志三年视敬業樂羣至九年知類通達謂之大成大 能成者也益孔子十有五而志於學至於七十而後從 問學不可躐等盈科而進成章而達未有陵節雜施而 放古驗今之學 就何其敏耶洒掃應對子游以為末子夏復以先傳 を二

其無 後從譬之其本其末其先其後要必有所在矣其索言 其人而論其理固有持愚者之說而易賢者之論矣是 問言不易立亦不易知賢者之言人皆以為是也安知 J. 1- 1- 1- 1-其亦不可以聖賢定乎非然也聖人者羣言之所折表 非賤賢而貴愚益拾非而從是也言固不可以賢愚定 之以紓所學 理之會道之極物之原確乎其不可易者也安得反 一非愚者之言人皆以為非也安知其無一是置 東京小夫

金分正因石雪 談而不征固孟軻氏之言而凡貨不出於關舉其貨罰 外不可取也而周官則曰以國服為之息將從卜式乎 從周公乎什一行而頌聲作固傳春秋者之言而縣 乎從孔子乎縣官當食租衣稅觀卜式之言則租稅之 則義利不可並也而文言則曰義者利之和將從仲舒 以賢人之言而疑聖言之妙哉昔者當恭觀自古聖賢 十二漆林二十有五者經之所載也以傳廢經可乎關 之論有不釋於心者正其誼而不謀其利觀仲舒之言

學之大原也子思氏親出曾子之門而其言乃曰忠恕 問夫子以一貫授曾子而曾子以忠恕語門人是固聖 聖人之經也茲前數條反若為小人地者豈經古與微 所惡虞書何以有懋遷之言羨餘者君子之所譏宰夫 其人者亦經之所載也以子發經可乎均輸者前史之 其深思而明辨之 而學者莫之察敷抑猶有近似可乗而彼得籍其口敷 何以有長时之賞嗚呼儒者所恃以勝功利之說者執

金灰四月子書 違道不遠師生之論若不相似然其說果安在耶子貢 問治有統政有極出天下之治者其統也運天下之治 求仁則釋忠而言恕忠恕果二道耶果可析而言之也 而系曾子子思之正傳其論自反則釋恕而言忠其論 一言而忠不與馬其去取殆必有謂益軻氏願學孔子 亦夫子告以一貫者至答終身行之之問則蔽以恕之 者其樞也成周之隆薄海內外為國干有七百事之接 凡此皆深疑而未喻者盍明以告我

當講耶敢問海王之篇牢盆之法欽趾之刑散鹽鹽鹽 凡名為士者在朝當盡其力在野當獻其謀是非諸君 飲定四車全書 **飴鹽形鹽之品可酌而用者有幾乃若三等之酤三犯** 异 轉並然後可耶主上萬機之服親 御大農之籍均調 流本末並舉公私兼濟在吾儒豈無術奚必問諸羊僅 楮雖主計者亦不能自定其說吁亦極矣滌其源疏其 之約税茶從茶剩茶之令其得失果如何也酒酤之推 儲神國計惟是四者之弊或未免上勤宵旰之憂 東菜外集

古無有天漢始元之後沿革多矣得失利病可考歟不 非它人之所能與也而周公之制周禮列仁聖於智義 問孔門之論聖與仁雖夫子有所不敢居其道至大固 相天時因地利恭稽累朝之典章考上五方之風俗問 張林之說豈無可資於時者邪雖然此猶前世之載也 今日獻其毋以思不出位為解 可考數古今議論之衆者錢幣其尤也賈誼貢禹馬援 工賣訪諸問問質諸田野要必有確然至當之策為

以仁遽目之以聖其說復安在耶此皆疑而未喻者願 聖初非夫子之所军言而載於論語及不若言仁之多 言其答問及於仁者不可緣數安在其為罕言耶至於 貢問博施濟泉而孔子對以何事於仁必也聖乎是仁 中和之間並舉以教人而無所輕重夫子猶不敢以此 抑又何也夫子許伯夷以仁止目之以賢孟子許伯夷 自居而周公乃以此待天下之學者周孔豈二道那子 與聖果有優为耶仁之一字號為夫子所罕言然其立

Party Alder

東菜外集

١. 卷二

欽定四庫全書

東菜外集卷四

詳校官原吉士臣龍廷槐

主事臣召雲棟覆勘 總校官知縣臣楊懋珩

校對官中書臣記 膝録監生臣於

鏊

英

文昌六府具嚴上 宏詞進卷 雄 重 一将 之威太微四門首列西藩之衛朕 犯犯外小 軍節度使殿前副都指揮使 州荆湖南路安撫使除 吕祖謙 撰

金好四月五十 機謀明決氣緊沉雄營平奏章實立功而立論好時經 籍錫以命書登是南邦既朝蕃宣之略越在内服曷如 憲章乾象祇護帝居畴咨帥間之良參總殿嚴之旅通 拱扈之親是用釋方伯連率之封貳信臣精卒之柄所 武亦能畫而能兵躐勇爵以摊旄峻戎容而絕席剖行 班左棘易鎮名都直孚賛冊之辭用諗庶工之聽具官 多儀於夏篆訓諸御於章溝梐枑再重飭惟宫而陪法 作誓夙高帶礪之盟御衆收人克壯襟喉之勢関於最

駕周盧千列警蘭錡而肅夜聞上霍色之旌塵出嘉川 こうし ニー 董正皇支升之上将之壇賜以鉅邦之履飭宣丕號申 司屬籍之番滕時叔父之賢首我內朝之望博稽與誦 周建國以親諸侯用侈宗盟之慶漢置官而序九族是 之節鉞併蕃榝數用鬯顯庸於戲專面正朝坐制中權 勁折衝厭難奚勞外侮之攘益属雄圖毋忘丕訓 宗正事封東平郡王制 皇叔集慶軍承宣使除保大軍節度使知大 東美小東

三雅之宫沛獻好文爰作五經之論裔襲神明之南地 金片口及台書 矩於先王婦疇進律之文顯防永流之任德齒參的魁 然祭酒之尊名實两崇展矣戚潘之冠載念齊家之要 依日月之華大路大於傳鼎暴於故府法言法服蹈規 韶治庭具官樂易而不流溫恭而有守河間學古入對 務總郡時之成師践辟疆之班聯式彰清静作憲王之 封域用答勤勞合集寵光布章物采於戲問雞鳴之寢 必嚴糾族之權示以聚儀屬兹肅义是用繇熊城之留

於永世 朕方形立愛之風誦麟趾之詩爾尚輯惇宗之典若梓 材之來兄弟若萬萬之比本根其追配於前人亦有辭 官東心塞淵養氣剛大蚤奮迹於暖軌晚蜚聲於顯途 詳延鴻博之流共輯禮文之事孰從折表必頼者明具 聖城策勲若玉杯竹林之屬詞林發藻紬石室金匱之 三后成功首伯夷之降典六卿分職列宗伯之佐王朕 **龍圖閣直學士除禮部尚書語** 1 たた トー

禁林之邃客維時盛選屬我鴻儒輟從西掖之聯延入 金好四周在書 内外演編之職獨高翰苑之清華左右持索之臣畴若 御今之宜惟統宗會元斯祛黨同伐異之感往惟勵襲 嗣有褒揚 正於宿儒進長春官式從人望惟刺經作制斯通執古 書編儀禁路之華寓直河圖之邀肆討論於墜緒資訂 門之直具官學窮壺與文冠倫魁增主之明洋洋是 中書舍人除翰林學士語 Ţ 卷三

董之對發帝之令渾渾虞夏之書休有德聲最於通列 朕觀周宣之治還定安集而劬勞於寡離散之民成安 猷之啓沃見王者之志通觀部令之發揮往服龍章永 忘堂典談於三代新膽聽於四方近天子之光允頼謀 是用進防蠻坡之家深居鈴索之嚴虞侍無閒輔陪遺 肩素守 其居中與之業人到於今稱之朕初承基緒兢兢業業 戒諭两淮守令恤農詔

欽定四庫全書 願 帝數申的中令懷輯疲察督趣農兵蠲賦省徭以佐百 占 姓之急臨遣左右侍從之臣分行疆場復調旁近郡耕 交跡轉為思隸題者北顧用震悼於殿心間者太上皇 之怠其谷安在豈下吏未能奉稱而盡地力之教不先 計安天下深惟两准之間瘡痍未平民力大屈流移 版籍者裁什二三偽居浮寄無所係心勸之勤而應 治仰遵慈訓夙夜不敢忘而邊雅翔貴生齒益落自 振業新附所以加惠元元者視周宣有光馬朕臨政

諂 郡 區幾不為郡長民者獨安取此繼自今其悉乃心銷 重也異日沃埜上腴為天下最今乃濟於荒遠彫敝之 歟將豪奪暴役與東作争而害農者番數夫两准吾所 母 游木力穑惇本以稱朕安集之意有能帥先墾闢為諸 忽 者亦糾劾以聞時則有顯罰不可追朕言維服尚聽 倡者部使者上其名以差受寵若縱弛怠傲不如吾 戒諭沿邊修武備記 沮

或侵欺新附使邊縣然不安或屯聚解她莫能相壹或 藐然甚慙廼者臨遺大臣盡該奉帥夙夜為守圉計至 效長轡遠馭與豪傑之士共期於絕墨之外肆其封題 朕監前世治邊之策責大指而削小文略近利而規後 文自營毛舉細事以塞責或節冠遷延宿兵無用之地 熟悉也而障塞破壞亭張埋絕吏氣傷沮武備衰減便 有不功朕甚嘉之朕不能遠徳邊虞未寧重勞士大夫 之臣亦越拘擊之見以為公家忠計用能辟地却敵顯

一欽定四庫全書

得轉數將郡國之吏或不足九一方之任敷抑貨點上 創义戰鬪選與退縮意者断此之士東於刀筆吏而不 流吏卒失職下亡所信數令朕播告之修不匿厥指 之會功多有厚賞不此有顯戮尚克欽承以寬朕北顧 饟心豐器械心犀利烽燧心精明母拘常守以失事機 爾將帥牧守其屬鋒鍔展腹心賦車籍馬心戒輓運奉 之愿則予汝嘉 11.11.11 代宰臣以下賀上太上皇太上皇后尊號禮 東京外孫

方來賀萬福攸同中賀竊稽上聖傳序之符實貫干 **堯仁舜孝際授受之昌期地察天明極形容於丕冊** 給集由臺之并見金聲玉振斷以渦表壁合珠聫煩為 能名豈容擬議而業業致其孝當盡顯揚胎中禁之 父而坤稱母大矣承頹之慶溫然歸美之誠雖蕩蕩無 休嘉之運纂圖儲禁日重光而月重輪養志宸聞乾稱 麗藻赫实禮文之備的華容物之陳歷吉日而協靈辰 成表 終 四

金月四月月月

卷三

肅將經典蜚英聲而騰茂實並受鴻名有識有知以呼 于帝其訓輯三紀之春謨自天降康增两宫之神策肆 尚有開盛旦盡掩前開恭惟尊號繼御丕圖奉承慈極 報得名得壽永儲錫美之祥 旅虞階之獸舞合漢殿之嵩呼資始資生既懋顯揚之 以舞監明皇之至道如彼其卑考順宗之應乾莫能相 一儀之具舉紛協氣以横流臣等幸列邇僚欣逢昌會 代提舉國史進神宗哲宗徽宗皇帝國史表 9 東東外集

金为世母石雪世 六葉之祥丕顯哲宗於皇徽祖淵神心之相授煒聖烈 學嗣養化源憲六典以訓官世嚴朝者前揖商王之獨 丘澤之規紛綸圖牒之行璀璨拂航之貢輯衆髦而建 勒 三后在天軼鴻猷於今古百王冠德紀茂實於典謨爰 元號重用東觀細書太初之後關不録博延碩學論 俯早唐帝之撫運故中與統承不緒南陽基命建武之 之增光載續武功疊西差湟都之績稱秩元祀踵原廟 信書上干乙覽中謝竊以炎宋開萬年之祚裕陵發

こう 丧 臣職總編摩功慙潤色莫測乾坤之藴弟輸鉛槧之勤 武之絕記動記言下協孫謀之熊播諸琬琰炳若丹青 與京恭惟尊號孝通神明誠替化育有典有則仰思祖 **德聞迨繼照以龍飛甫終編於麟獲視諸故府配五聖** 金鐀之藏副在有司為干載石渠之鎮於斯為盛莫之 養農黃帝之書既垂成式由堯舜文王之道顧軫家 唐定襄道行軍大總管破突厥露布 東東外張

算同文同帆來享來王奶突厥之鸽張播頡利之凶虐 惟尊號勇智天錫聖敬日躋屈奉策於壽惟定一尊於 燿渭橋之調惟今盛烈路古鴻猷遵制揚功雪上皇之 **宸極武王載柿躬我軽以濯征驃騎揚旌受将臣之成** 將 尚書兵部臣靖言臣聞春秋復九世之讐世宗遵而命 猖狂甌脱屈强穹廬自鹿失於狐隋益 鴻張於絕塞有 宿憤陳師鞠旅空大漠之思區日月清明華夷震疊恭 匈奴直百年之運宣帝因以受朝滌為平城之憂焜

而 燧於郊畿尚示涵容未加懲艾益縱父辛之惡來窺戊 他大棄齊盟干萬為徒長驅醜類派煙塵於亭填通烽 開帝統肇舉義旗羌琴佐周濫預稱戈之列務熊助漢 之空虚扼定襄之襟喉從天而下擣可汗之肘腋擊地 龍城臣等職在戎旃任專將鐵簡奇兵之鋒銳出問道 已之屯衆叛親離人怨神怒爰奮張於虎旅用蹂踐於 粗輸致騎之勤恃其鳴吠之勞肆厥飛楊之志二三其 驚朱紹蹀血於金河李勣搴旗於通漢孝節當常安 東東小東

銀戶四母子書 静周章大澤之迷路絕刀推沉痛窮途之哭持身無所 東手就擒恩融瀚海之冰化解檀聚之俗斯皆明謨 舉輕振搞破易推枯頡利委奪並旗散亡族帳山空谷 磧太白入月星垂滅狄之祥高鋒彗雲士倍禽王之氣 懷於首鼠公挾詔使陰拒王師臣等申儆戎行徑度沙 魚清頡利乃收合餘塩包藏禍心外雖效於牽羊內實 定齊略遙臨壯於街份大之觀軼禹貢要荒之服臣 之道萬淑臨暢武之區派徒騰躍以鷹揚小聽 通逃而 J.

承神指親親駿功奉西域都護之傷敢忘典禮開奏 至尊之道用暢成靈 前体布大喜於幅員清妖氛於夷貊恭惟尊號布的聖 騎之銘擔義勇於龍荒紀鴻勲於麟閣厥開昌會克對 臣聞電擊雷震瀚海飲冠軍之馬星流彗掃熊然勒車 武糾處天刑基王迹於并汾定帝都於關洛一怒以安 .). 1---).1.- 2/ 天下奮隔皇威四征而綏兆民掃除羣穢瑭戦自運寶 唐遼東道行軍大總管平降延院露布 東菜外集

夷男乘突厥之敗亡據尉捷之險阻會逢休運懷輯遠 代思摩升岱宗之燔柴將封王檢徹甘泉之烽火處上 當為不侵不叛之臣及肆争地争城之戰公遣度設暴 歷常新遊鐵勒之封疆有延陀之部落世傳首長定始 之期六月出師未正交侵之罪不煩邦憲自觸鬼誅濟 人犀甲熊旗惺幽都之部落騂旄虎節荒大漠之山川 一願聯姻於天家以增華於戎索三星在户既愆納幣 書方推較以放行已事旗而報捷自然自文來享來

銀灰四月全書

7

卷三

兇根於多彌致剪屠於回於蠢兹餘種保被遐荒欽鳳 亡之權臣等統率派徒導揚德意為楊為鸛整師律以 閥以歸誠飭虎臣而將命推招搗懷遠之義兼取亂侮 易若建纸長驅名臣當户之虧盡籍甌脱穹廬之地咄 以敵攻敵之機驍將風馳有先人奪人之勇速如破竹 延陀首領咄摩支陰蓄豕心潜揺並尾敢以傷片之衆 無詳如熊如羆肅軍容而不犯招來流散慰拊傷殘碎 與表甲之謀臣等振属偏律激昂行伍外兵雲合得

多定匹库全書 功之盛 摩支適於荒野辱在沉塗雖逃幕府之威終納軺車之 代絕業薄海內外悉主悉臣雕題繁齒檀彩卉服之倫 益聞天下之大義當混為一惟大漢繼五帝末流接三 律 謀於樽組開遠略於邊陆臣備數行間獻俘闕下左執 欽檀裘震疊沙磧肅清斯皆聖算無遺廟謨獨運授成 而右東鐵願先周樂之客東漸海而西被沙共紀的 漢使諭莎車諸國檄

交臂受事請命下吏唯恐居後問者軍粥氏虐老獸心 自知罪成與漢吏相恨絕陰結旁近種豪苦虐漢使陽 甚厚爾之父子寧而當馬蕃者非我其誰使之是我有 大造于西也莎車小醜反易天常賊殺其主惡暴西域 西域而立幕府信臣精卒列屯相望所以擁右爾諸戎 前為之不安世宗武皇帝奮其武怒提干将而叱之蹂 奴屬歐役以剪爾諸戎爾諸戎獸駭鳥散蕩折離居遐 **鰛鴻甌脱遊魂餘種自窟於北方寒露之野於是中** 東京小真

誅之意未當有忘使者奉隆委將明成建殭漢之節以 動け四母全書 首敗職約以古法當誅所同慎疾苟挟持两端久留天 嘉入朝出聘冠盖交道思禮篤厚四夷莫不聞今莎車 鎮撫百蠻親見狂冠祭養四選與畏縮墮先帝所建立 絕都護歸計匈奴济辱聚落大為諸國羞陛下赫然欲 誅陰拱以觀其孰勝則靈旗將回指於爾有邦矣其賦 為士卒先惟爾西域諸國剖行折主為漢潘輔歲時之 以賊遺君父非人臣之節也用敢盡精厲氣皷行而西

兼制八荒覆以威徳兵鋒所嚮無不震壞抜姑師之旗 車籍馬深入霆擊以欽承天子威命鄯善蒲犂獵其南 都尉之屬切於殭暴不能自還蒙死僥倖以逆執事之 福 姑翼之頸皆諸國所親覩此黄帝之兵非人之力天之 屠大宛之城罕安歸之首陵車師之壘犂谷盡之庭羈 頹行駢首就戮無以自白使者為諸君羞之朔今大漢 月支疏勒震其北四面並進類禍厥宗若乃莎車騎君 也夫明者起福於無形銷患於未然以區區莎車而

銀定四庫全書 喪元而弗避志吞蛇豕氣薄虹蜺迄成萬世之功率由 益聞忠臣見危致命唯徇國而不回義士殺身成仁雖 母狐疑猶豫為知幾者所姍笑機到咸喻陛下意好忽 散前惡捕斬渠率封爵之科具如甲令的走險阻者由 草薙而禽禰之盡根株痛斷乃止禍福之原唯人所名 掠使西域父子不相聊則使者職在討除分當相直必 欲抗堂堂之鋒猶踐薄水而待白日豈不殆哉如能解 唐河北招討使諭諸郡 榝

禄山悖虐山首腥羶遺孽鳥言夷面始服役於朔睡狼 運自分於否恭奄妖氛之充塞來醜屬之憑陵逆賊安 際下蟠南治北暢日中則是數心倚於虧盈城復于惶 情仰追三代之主仁義公恕統天下俯同七制之君上 て・ブシニ・ 峻宇雕墙錫中都之甲第高牙大纛總數路之式師焜 子野心旋承恩於魏闕陽飾佞諛之態陰懷窺何之圖 念之烈我國家肇造區夏大抵生民壽富安供本人 御府之珍絡繹內饔之膳示之利器授以大阿轉其 東東外集

光之獨在幸英豪之響應連城邑以景從清河擁士馬 凶徒之猖獗九河俱潰屹砥柱之中存萬室皆灰歸靈 并吞百郡幕府摊在分土仗節臨戎守孤壘之空單抗 天毒更愈於泉鏡吹唇沸地衆競集於犬羊震為两都 不道之謀肆吸無厭之欲反書既徹逆焰遂張囊血射 馳挟泰華而壓鴻毛倒江海而沃原燎滅虜之動指 淮斬將軍旗紛提書之踵至執訊獲配沸告語之交 强常山正鯨鯢之戮李郭合從於河朔許張扞蔽於

金好巴尼石書

穴或雄制其襟喉或邀擊於前或横衝於後切新都之 必與三户亡秦之心勉自激即共為掎角或窮搜其巢 俠邑里之雄佩玉執圭當懷五世相韓之舊衝冠投袂 表温嬌之奉王敦益非得巴其念去危就安之計各乘 之盟若乃辱在盗區污於偽爵碩榮之從陳敏夫豈由 敷精甲與山齊永息煙塵之警取印如斗大益堅帶礪 舌用孰仇讐然郿塢之臍以威姦慝論功行賞合爵策 ,期惟通都巨鎮之公侯暨精卒鋭兵之將率游居之 東於小具

是公非舉天下莫之能移馬是故人主極天下之尊而 史官者萬世是非之權衡也禹不能褒縣管祭不能則 轉禍為福之機執厥渠魁潰其肘版不特捐脅從之累 周公趙盾不能改董孤之書崔氏不能奪南史之簡公 又將開封拜之科車同軌而行同倫再成樂土弓載奏 而戈載戢一洗凶墟檄到如章書不盡意 公議復尊於人主公議極天下之公而史官復持於公 漢太史箴

金片四月五十

議自古有國家者皆設史官典司言動凡出入起居發 則決窮則通縱能削一史官之書安能盡扼天下之筆 直筆刊落其書於戲亦或矣公議之在天下抑則揚塞 黄帝以來至於麟止勒成一家世號實録武帝延惡其 書而司馬氏乃父子篡其職軼材博識為史臣首遷述 貼萬世之識是豈以王者之利勢而下制於一臣哉亦 以公議所在不得不畏耳漢紹堯運置太史令以紀信 號施令必九思三省奠而後發兢兢慄慄恐播於汗簡

馥前文過刪落編簡便無或播曰帛可卷曰竹可刊人 史廼紬金鎖序次舊聞本末慰問裁成帝墳六世躭躭 奮筆萬夫莫移降周迄泰鼎傳漢氏若談若遷令于太 致尺情不爵而祭不刑而辱正色立朝是是非非以死 若稽前聖治浹多般記言紀動爰立史官干載之日坐 乎竊推官箴王闕之義博稽史氏之本未而為之箴曰 民聽惟是史策平如權衛惡非可損善弗可增他之休 心之公終不可設遠付百年毀譽自定修大之名播在

我只回屋台書

明登我王道雖絕不窺自成典語造行或情自親其文 帝中與炎統原念刑重之弊實泰十失之一題地節 廷尉天下平而廷平者復廷尉所取平也維漢孝宣皇 必書用輯衮職史臣司籍敢告執戦 **諛辭虚美統紀放紛公議攸存萬古一揆豈兹小臣所** く・アーニー 軒輕近出於優影出於形反求諸己光流汗青君舉 二月初置廷尉左右平四人秩六百石求明察寛 漢廷平箴 1 東東小

多定四库全書 養尊於上緊以簿書期會視之漫不可否一以委吏吏 得以出沒變化售其私欲希望風指排抵怨響强者以 籍楚之下情實倒置首尾衡決治獄者競以深文峻武 無繇每歲之冬案續上於王府者充棟字汗牛馬時君 為功奏當之成銀鍊周家雖率蘇復生欲平反之吸路 獄刑號為平矣夫獄重事也人之死生存亡於是乎在 紀黄朝等以充其職季秋請藏帝常幸宣室齊居决事 勢免富者以賄原民用怨離上干陰陽之和則雖置廷

然後官不虚設矣竊紬繹建官之指而作箴曰 平之官尚何益哉必如漢宣帝之属精為治哀敬折獄 理實難哀於無獄治忽所關自古在昔相授以仁誰生 於赫萬來三尺所出喜舒怒慘發言成律厥勢雖利厥 蘇皇矣中宗時漢之隆顧瞻方法震於清表清原正本 ろううら /L.う 君之明昌舉其職民之多辟百許一誠面柔背損陽遜 乃立廷平自霸以降揀擇維精惟是廷平刑之司直匪 属陷虐始於秦有赭其衣有丹其書左鼎右鎖民氣不 1 東菜外集

金牙巴匠人 疑惟輕法行自貴放行自賤允執厥中没齒無怨至言 在彼之害鉄鉞斤鋸已斷不續已死不生敬之敬之罪 法會弁如星或此之失咳無笑順秋官治刑致辟園土 **陰争我心匪鑑妍姓或蔽我心匪衡重輕或戾赤墀** 古之帝王必與神物以前民用自有熊氏接萬靈於明 不煩費之以恕廷臣掌憲敢告勢御 廷設五旗五麾用征不聽震曜萬國然則尚矣惟漢 漢靈旗銘 議

市 風雲前驅隆隆獵獵勝氣光見鋒刀未接固已落敵 象太一三星命曰靈旗太史奉之以指伐國旗之所指 無不陨滅蠢兹南越阻兵稱亂將奮揚武旅致天之討 **僧厭勝而已哉敢追紀其烈而為之銘曰** 之膽矣用能墟其國俘其王竿首北關為萬世戒然則 靈旗而前軍旅所以暢天聲壯式客作士氣豈直禳 雄材大略志清六合命將出師祖征多罪雷霆之下] 東東小小

靈風扶亦瀆思嶽祇犇走來會舳艫十里虎報鎮膺士 其旅命将但征過裡過祀過為兵禱聲新鋒旗奉将天 金月口及石書 倍其氣以莫不增星在雷燭海波如席砰磷鬱律水怪 討三很在上式昭其明史臣司之以先啟行天矯腌靄 的聖武鉅典駿功戎紀交舉考圖數貢南越不庭爰整 中宫天極太一常居上帝神兵森列六虚在漢世宗布 還獻功社稷喬雲榮光左承右翼奉時辰壮報以克 掃跡蠻蛋落膽墮或失戈獲其大醜孫徒凱歌抗旌言

後餘大弓一長天五藏之武庫凡郊丘重禮則陳於儀 神物勃我威命肆勒鉛章以鴻厥慶 於惇史孝文行師鸞旗在前侯今之制與之並傳於惟 長天度越常制討劉黑麗之役突厥驅其犬羊干我旗 丹厓龍荒鏡清砥平春建茸頭實憑巨梓侯今之制軼 J. 7 -1 -1. 唐太宗文皇帝躬東威械斬刈四方之蓬萬創為大弓 (親御弧矢以卻之擅表之君傳觀其矢震疊種落厥 唐大号銘 東策外県 =

呼勇益天下而守之以怯功被四海而持之以謙大哉 马十數以示马工乃曰脉理皆邪朕以弧天定四方猶 修身之号誠後世子孫之所當寶也是宜紬繹厥古以 失之況於治乎題延羣臣更宿中書內省朝夕詢訪嗚 不顯太宗肇開有唐氣吞四海号矢斯張制兹大船神 顯詩之昭示無極題為銘曰 之德有超然出於武功之外者益嘗諭近臣曰近得良 物之首以侈大武功縣人墨客更相夸耀而不知太宗

金少口屋人可是

武是奮實育絕觸挽不能寸躬討亂略浴鐵干聲手提 威弧雄入九軍控防竊日規為小犇星激電京浸 髦熊見紬繹絕力絕徳兩臻其極策府舊物百世有煇 實好維是戎器昔所自親猶弗偏察況於奉倫延延東 掃左落機槍右射天狼聲如推山萬衆莫當名王酋長 近取譬爰告適臣朕得良幹謂乃之選診於工師鑒裁 傳觀金錄漢箭有神震疊軍粥武功既抗益戒益勤以 人侈其觀我服其規象弭襲藏郊廟薦獻修身之弓與 見た下妻 7

金月四月五日 在天餘烈在地播以銘詩用告來裔 之俱真煌煌白羽焜燿丹墀矯思之天與之並垂威靈 東萊外集卷三

欽定四庫全書 欠正日年 日本 玉失舄歸地王府東南一尉西北一候灌烽滅燧開炎 四征九伐成入睿算上延良平借箸運籌之謀下程賣 統丕丕之基題闢秘殿名以講武熊朝穆清神心經續 天錫藝祖神武大略表正萬邦靈旗所指四方君長墮 東萊外集卷四 宏詞進卷 講武殿記 東菜外集 宋 吕祖謙 撰

巍巍乎是殿之建實王業之源也臣竊稽前世英明之 育扛鼎揭旗之技沈幾於尊且之問收功於疆場之表 雖皆隨世以就功業然里污寒淺莫能與先王並歐子 君智略之臣制為宫室城觀以志武功者衆矣殿以昭 氣分出出之氓陷於水火莫能自拔並告無辜于上下 五季不綱縣髠盗販情竊名字本亂鉤裂三光五岳之 無以議為也惟我藝祖之與陽開陰闔躬接於天原念 武堂以起義棲以壽邊城以受降府以折衝驛以壽筆

勇智高出一世關策先定用能削平借亂納天下於太 神祇於是手提干將為民請命干戈所麾如雷如霆無 和之域則儲神基命之地端不可後想夫潜心是殿旋 黷武哉聖人之意以為古之聰明唇智神武不殺者皆 准楊三發而定荆湖不待下劒門之險而固已制孟昶 乾轉坤翫殭敵於股掌之上一發而平澤潞再發而下 とこうら ここう 不震壞肆其宏開廣殿建講武之嘉號者豈樂佳兵而 軒陛不待告番禺之捷而固已收劉銀於塔墀不待 . 東萊小集

展如泥在釣如金在鎔一聽陶治功成事定远不自知 孫謀之意遠矣至於乾德之元鑿池習戰太宗之世築 丹使觀射於是殿是知藝祖之世絳紗玉斧清彈羽扇 迹明堂王版之所紀若開寶五年 召進士安守亮等對 其所以然非神武大略卓冠百世之表孰能與於此獨 **墮金陵之壘而固已縛李煜於几席虎臣驍将受成黼** 臨於是殿者殆無虚歲所以大武功而清宇宙其貽厥 於是殿六年又召進士宋準等覆試於是殿八年召契

臺大閱旨製講武之稱其昭示禁暴戰兵之訓一也鴻 惟是殿之建開天闢地割我宋無疆之實祚上與虞舜 播於億萬斯年俾勿壞臣謹記 六藝統壹聖真老師者儒濟濟在列題制記有司联紹 仁宗皇帝皇祐紀元之三載憲度鴻明風化浹洽折表 一而不在民者曷足稱於聖人之門哉用敢發揚景鄉 羽之兩階同條共貫彼有梁德陽之制崇侈光麗奉 隆儒殿記

欽定四庫全書 熙日就月将之學肆開家宇廣邇英之虚以為講贯論 等言陛下尊隆儒析肇新廣殿親屈帝尊博延承學之 隆儒之名丕諭聖志臣昧死以聞制可其請是維文教 說之地顧扁榜之名未立惟一二左右之臣汝為臣度 述関体以贻罔極臣之職也用敢拜手稽首而為之記 臣右文之風推校干古無所與遜臣不勝大願請冠以 体聖緒樂與据經守古之士燕見紬繹存神索至用緝 盛股映國史赫赫若前日事臣幸得以欽軟待罪追

明自三代以來尚文之主史冊相望惡衣博帶禹行舜 **趨肩相摩於朝盛於稷下論於石渠觀於橋門議於白** 曰道侍聖人而尊故儒者之是非必百世俟聖人而後 **虎洋洋乎聲明文物去洙泗不能以寸然東於話訓** 位為世所患苦豪俊輕俠憑陵翫侮以儒為戲而真儒 之以治穰要剔之地則惶駭眩眊無所措其手足甚者 於古陳滯固疎闊弗知合變質之以金穀甲兵之問試 六經以文姦言逢君之欲傳之古誼私龍斷以獵高

欽定四庫全書 隆儒之名登諸扁榜風示天下孝士慕鹤異人並出輔 紀天覺民表章儒術路門經幄咨詠講肆言成典謨以 上以名求之下以名應之其不見儒者之效也宜惟我 貌敬而心不随持以為朝廷之羽儀太平之盛 爾而 **弊以儒者為無益於治亂之數間登用一二關** 矣儒者之不見信於世也如漢高帝宣帝世所謂英主 碩學與家其耻淳于髡之徒至譏評子思以病孟軻久 國家聖聖相授尊道貴德以實不以文及我仁宗皇帝

臣又聞之漢肅宗皇帝幸闕里祠孔子命儒者講論帝 儒術者前仍後恭自咎自悔據子思之宿慣例孟軻之 成四十二年冠古之治真儒之效白於當世向之訴皆 親屈萬來此乃崇禮先師增輝聖徳至於光榮非所敢 謂孔僖曰今日之會寧於柳宗有光荣乎僖對曰陛下 欠三可言 二二 之則仁祖之創殿制名臣亦将曰此乃隆儒稽古增煇 承夫區區肅宗固不足以仰望仁祖竊害借是說而 恥十載之是非至是而始定信乎道待聖人而尊也 1 東菜外集

白りいた 臣仰惟真宗皇帝潤色祖業統輯羣元連四海之外以 聖德豈特儒者之光榮哉臣既述其事謹待制古而勒 虚月祥符紀元之九歲正月資政殿學士臣殊始奏以 為帶九夷八蠻禀印太和枝附葉著上古之所未臣人 之石臣謹記 占城龜兹沙洲印部蠻相繼入貢請圖其道路風俗人 迹之所不至莫不梯山航海奉琛走貢史不絕書府無 祥符四夷述職圖賛

職圖時判鴻臚寺臣復以注輦入貢列諸繪事帝以其 物衣冠以付太史帝俞其請四月部禮儀院修四夷述 映寶軸发若飛動固可以伯仲成周王會之篇與臺唐 坐隔飲萬里於咫尺神王當户擅裘卉服咿溫睢盱照 未廣申命訂正以侈一代之偉觀是圖之揭會八荒於 敢墨筆操欖拜手稽首而為贊曰 極哉所以昭示後聖惇徳允元蠻夷率服之成憲爾用 室職貢之屬矣臣竊原聖意豈徒丹青藻色誇詞於無 東策外集

金月日人台言 拱而治南治北畅東漸西被日域月峭桂海水天踰沙 宋繼古帝跨唐軼虞湛恩布濩外簿海隅於皇真宗垂 工之良是繪是圖咫尺滇池跬步瀚海狼居龍堆滅 府春王三朝九夷實將庭燎晰昕璧玉華光削狂 **軼幕叩關請前火齊錯落浮琛沈羽道路如織歸我天** 靄丹厓鲽石黑水流澌 百其耦象胥環人價相先後廼詔曲臺廼命鴻臚裒 幅之間氣候屢移 闕 解辩

-	Presentation of the last of th						
	1						
	1		1	1		1	1
-1	1			i		1	
}	1		1	1	1		[
1				l			1
_	1		1		1		1
1	- 1		1				
}			1				
}				į.	l		!
		l		1	1	l	,
ĺ			1		1		1
			1]	1	}
1			ł		į	1	1
			İ				1
1		-	1				1
1	1						1
1	1		1				
1			1				1
		İ				1	i
1		1	1				
1			1				
l		1	1				
1		1		!			
1	1		1	i i		ſ	
1	1	1		:		Į.	
1	1			. ;			
				'			
1	İ	1					
1	}	1		!!			
]	l) i	1	'	
1			1				
1		}	}				
	1	1	1				
1	1		1	1 1			
}	1				į		
l	1	1	1				
	1	1	1	.)	1		

,	 -	The state of the state of	antalonia va	A MARK AND TO THE OWNER.	e de la
					金片巴人子言
					卷四

戒金鋪玉户丹青相宣邦國若否瞻之在前土階都俞 光四葉鑒於前代憲章鴻烈延閣廣內典籍之淵並列 古光哲王左圖右書送相經緯百世楷模在帝仁宗增 歌器通發天藻奎畫雲章西示獨臣導其替襄繁家付 凛生氣凌鑠坐隅璇室傾宫怠敖侈麗圖其覆輪危竿 九官低績就日望雲不違咫尺攀轅折檻還笏挽裾凛 美惡有萬其鐵殿惟深靚旁搜博采播諸寶繪揭為規 東京小原

銀灰四月至書 養是也漢高帝混一區字極四海九州之奉以致養於 帝王有至樂而王天下不與存馬恩謂至樂曰以天下 寶圖超唐絕漢楊厲碩休下臣之替 想像昔賢為吾股脏翱翔周覽一息干載緝熙聖學兆 太上皇五日之朝龍祈鸞輅雷動星陳風天下以純孝 民水賴漢畫西問堯禁並彰唐設連屏以鏡與亡的哉 退游心太古槐龍轉陰寓目縑素拱揖令王為吾友朋 漢高帝未央宮上壽頌

殿上羣臣皆稱萬歲敬聲洋溢如雷如霆竊意高帝蹙 交朝未央官成置酒前殿高帝奉玉色起為太上皇壽 其践祚之九年冬十月淮南王布梁王越趙王敖楚王 得天下之養於天難博稽五三六經之傳鮮有兩得者 秦誅項帝制天下之樂未若奉色之日也夫天以天下 惟高帝獨介古今军見之鴻休舉簡編未書之盛典想 、し、「し、」、「一個 夫奉厄之際天華爽霽雲物効祥陛戟殿惟函被光景 與王者易以天下之養與王者難王者得天下於天易 東京小島

騎幸皇拓亦開統炎祚靈長至樂無極太平有象其樂 以遠非常之慶及諸載籍關然不傳謹援東指補亡之 玉危舉而天下為父子者定歷數四百年之漢上儀偉 天造草昧雲起龍驤赫矣高祖肇域萬方酒掃奉粮武 義而作頌曰 大律不可尚已是宜命鴻生碩儒作為歌頌播之樂石 觀前後相望而未央之會於斯為盛卓哉煌煌不天之 何以四海養其象維何两官相望法駕問安肅陳天

金牙巴居石量

てこういここう 董降雲霄劃聞鳴跟無邦家若斯玉交鳥 縣 隔組裁邊 殿母敢不私熊饗諸侯慈顔是怡陛或百重鸞旂的歴 俯視列星路車乗馬莫不來庭帝謂摩公朕提三尺頭 之樂四垂高張轟逐融冶鳥獸蹌蹌親屈帝尊頓首丹 豆有秋文始之舞干羽低昂金支琴旌蹈属發揚安世 之力咨汝典客顯設鼎奏咨汝奉常縣最其儀供張前 如蓬係履胃鋒鏑登兹治安用克考室實惟察父教誨 3 東於十六

仗時惟九年未央落成闕庭神麗左城右平浮柱飛榱

多玩四月全書 **夸大休嘉作此頌馬颺於石渠以懿儒先** 親順神淵静鴻化浹洽咸蒙陷甄比屋考权連墻関塞 風和氣蜿蜒扶與汎漾壁璫披拂綺疏高祖聖孝焜耀 萬有千歲貂蟬鵔縣職聲傳廳日華五色嶽靈三呼祥 民聽温清宸極舉觞告慶高祖聖功幅負者定仰以寧 地挹彼注兹恭樽益齊奉危太上融融洩洩以禱以祝 天子之孝以養志為主清蹕三朝不足以為樂惟威 唐太宗两儀殿上壽頃

威德之遠覆親宴使者於两儀殿謂長孫無忌曰今蠻 宗太宗頓首謝復奉觞上神堯毒惟神堯傳序之明惟 以仰稱付託之重而盡養志之孝也唐神堯皇帝脱展 東率服古亦有乎無忌上干萬歲毒神堯喜以酒屬太 坤身濟大業以增輝神堯之丕緒西突厥之盛古夷狄 莫强馬廼垣威赫徳膺受封册遣使來庭神堯嘉嗣聖 萬來與造物者遊廼手挈神器授於太宗太宗開乾闔 四海冠帶百蠻大荒絕域莫不歸職貢於天府然後足

多好四群全世 竊推美盛德之形容而作頌曰 敏彼昆邪之降狼居之封渭橋之謁亦足震擊夷狄然 烈烈盛唐明兩作離何天之龍提地之釐於赫太宗功 有其功而無其時雖欲霑餘瀝於兩儀之觞不可得已 統忻忻偷偷如醉醪體豈非那國之大慶干載之絕會 太宗養志之孝两臻其極壽觞之奉醇風和氣陶冶八 他我親原念養志聖孝所基輝威王靈銅虎四馳大荒 絕漠磔裂分刺鴻業崇成泰山四維突厥遺種崛强於

西沐浴元化卧皷息聲來請來覲同我昌期帝謙不居 温咿曳星之臂歷天之旂雷軸電鞭翠華歲裁樂舞 **晔表粹温載發畴咨嗣聖繼統要荒來威高視羣辟孰** 月重華芝蓋相差爾公爾即冠珮紳矮熊及戎使雖盱 穆然深思告慶慈極功敢自歸神堯嘉止張宴两儀 盛與處付託之明無愧然黎百末古酒酌彼金點爰屬 **陣金石塌魔噌吰鲣鋊蹈舞傲傲需雲上覆湛露下滋** 聖價祉介祺卒爵而釂融融怡怡帝拜稽首上萬 0

一金元四年全書 對揚景樂作此頌詩勒之玉版以永厥垂 國旁魄邊陆父堯子舜前創後隨一人有慶底績成熙 招攜泰和洋溢顯揚有蟬發越軒陸陶冶郊畿布獲郡 如丘如坻天子之孝匪循近規五嶽為豆四淳為轉孰 **巵嵩呼鼈抃聲洮丹墀乾闥坤懌叢祥効竒珍符瑰産** 太祖皇帝受命移清肇造區夏建隆之元號為天地重 為冬温仁思撫綏孰為夏清義武發揮懿茲文皇懷遠 建隆編勅序

縊然職在翰墨其可以詞語淺薄為解謹齊心極思而 凌弱眾暴寡無知之战奔者轉欲師三尺法猶弁髮土 序之曰一天下者必不嗜殺人然後定惟五代之亂殭 卷宏規不矩易簡坦明揭於象魏藏於有司職於秋官 世則越四年七月己卯判大理寺臣儀上建隆編勃四 開題命左右之臣條定憲章論次律令創業垂統為萬 治之成法也臣涵泳聖涯固不足以測知乾坤闔闢之 頒於那國用放佑後聖繼繼承派咸以正罔缺確乎致

次已四年八号

東菜外集

前世然法出姦生今下許起姦完無窮而鉄鉞不足凶 首就戮血流波道民舉足而蹈陷牢側身而入河海靡 胥老吏生死於簿書之間猶不能 編識干機萬年問民 玉條之制相奈以虐相高以險奇請它比溢於几閣 於是為壹切之法以求勝民不師古始墮壞先王金科 衣偷食不為終日之計時君偃然自以防民之具高視 而納之死悍臣酷吏奮髯抵案斬义擊斷專决不請 梗而大棄之奪攘不忌剽切顯行上之人厭苦其難治 駢

スニフェンコー 一 嚴而民日慢今之防民日電而民日謹昔之吏屈首朱 我藝祖在受方夏代虚以寬當宁太息思欲滌除奇法 威毒燎腥聞于天上帝震怒崇降罪疾亦罔克永世惟 億萬生齒之繁風流篤厚禁網疎闊斯民安土樂生不 撥亂世而及之正深記通明平恕之士傅以經誼蔽以 敢以身武法駸駸半圈空刑措之治矣昔之為法愈多 而犯法亦多今之為法愈寡而犯法亦寡昔之防民日 人情成書之布前目後凡較然畫一以四卷之簡而駅 東萊外集

墨而不足今之吏從容畫諾而有餘是知為治之道果 者之用藥當疾之初平藥石未可一 祖之法以威克厥愛為主臣竊以為聖人之用刑若醫 於千百至於後聖教化益明則刑益輕慶歷嘉祐以 稍勝則藥石稍損元氣俱復則樂石俱捐藝祖拔民於 無窮後世雖有作者蔑有加於此矣世之議者或謂藝 在此而不在彼也深仁厚澤克開厥後民之戴宋永永 水火之中如疾之初平者也故於前代之刑猶存十 一朝去也必俟元氣

金万里尼と言

社 鞭笞之罰不上於士大夫實推本熟祖好生之德孰謂 臣聞基天下之命必建儲后以承聖統養天下之源必 傅左提右挈吉人正士前導後陪廣夏細旃之上洋乎 其尚威乎臣懼後之有司不察藝祖制法之原謹復列 緝典籍以熈聖功古先哲王登崇主や以尊宗廟而重 之於末以告來者臣謹 .稷罔不鏡之以前代之載衡之以六經之言碩師良 承華要略後序 1 記

衡 訓 聖心傳之縊殫精研慮終莫能望其端倪竊當問諸 命聖聖相傳碩大駁偉之治曠百王而輩五帝淵謨 史氏側聞真宗皇帝天禧三年八月制立昇王為皇太 健篤實輝光日新潤色鴻業永永無極臣仰惟宋受天 **控歌 諷誦之聲發馬燥乎山龍藻火之丈具馬用能剛** 子始錫之以元良述繼之以六藝箴又申之以學書韵 宏 石而均喻時歷紀若出一日雖老師宿儒欲形容列 綱懿典不券契而同不鑿枘而合不膠漆而附 不 丕

多戶四厚全書

Į,

學歌吟之屬至於品式備具本末問問則復有承華要 息極熾而豐升中岱岳親祀汾陰聲融金石光溢雲漢 載籍蒐補青官要紀之闕遺勒永華要略十卷即分彪 固 略之書馬越三年九月名宰輔宗室近臣俾之縱觀然 裕後昆之原豫建太子以定國本爰因し夜之覺博采 源而已當真宗皇帝之時天清地寧号弭天箙覆露生 後知我宋之重規疊短萬世一轍者亦惟培養天下之 可以獨觀的曠垂拱視天民之阜矣顧乃留神於垂

動定匹庫全書 蕩蕩洗萬古而空之者是書抑有助馬是宜列聖寶之 以來明君良臣屬意於邦本者多矣買誼治安之策言 潤蓄靈鄉休萬世永賴誠不天之大律也臣竊考两漢 以為成式藏於宗廟副在有司增前星之光源少海之 想夫書之所載問寢視膳之規齒胃入學之訓大綱小 雖忠而道則陳義府承華之箴言雖切而心則許元稹 紀洪纖鉅細無乎不聞嚴後仁祖四十二年之治巍巍 如日星親發唇藻斷以替述用為輔養聖功之具

教本之書言雖華而要則家用智囊關家令則輔之非 要略之書殆將與河伯望洋向若之嘆矣惟舜禹執中 術無感乎其治効之甲污寒沒也使其獲窺我宋承華 其人開博望延賓客則處之非其地養之無素尊之無 ストーニー とこ 信矣聖人之無兩心也若大精義人神則然出於翰墨 以擬是書聖學色養之誠世之相後數千載若合符節 之外者顧臣何足以知之 訓足以擬是書聖學相傳之妙惟文王世子之篇足 東東小手 t

金只四月 全世 棘之班乃睠英賢素推近屬爰舉陟明之律肆疏易鎮 而膚敏信厚而忧怕動思法度之循居遠奇衰之習總 之榮播告路朝誕級海號皇兄保大軍節度使其慈祥 下宣制間之威夙重維城之望典宗藩之祀載通左 試卷六篇 皇兄保大軍節度使除檢校少保河陽三城 節度使權主奉吳王祭祀進封加食色實封 制 长四

成於治具藹然譽處達於聽聞自席罷於齊壇益蜚聲 之胄朕仰觀英祖之遺烈有懷吳邸之賢王時惟聞孫 羣書而奏七略至是正於詞林獻雅樂而對三雅亦裁 ン・レーショ 赫元戎之重出盟津之新組上郎時之舊歷申改國封 儀更大邦之節篆車希冕於的命服之華豹尾神旗有 親賁之物采歸服腦而致胙享以忱誠是用际亞保之 允蹈前憲肆簡克家之懿俾曆攝祭之權分尋器以展 於屬籍棣華華華增光伯仲之縣瓜瓞縣縣襲慶神明 東京小小

保河陽三城節度使權主奉吳王祭祀進封加食邑實 陪敦邑食於戲因心則友朕方隆兄弟之恩繼別為宗 金月正月子言 官淵乎其用意之深乎師氏之官實居虎門之左而 諫之道有三難馬曰遠曰疎曰驟遠則勢不接疎則情 封主者施行 爾尚行本支之緒住尚吉履式完令猷可特授檢校少 不通縣則理不完其言之不行也固也彼周設師氏 周師氏箴

簡之中雖斷章片辭邈不可得是可數已用敢追述其 箴王閼而虞人之箴獨傳竊意師氏之所獻必反覆紬 てこする こう 釋辭順意萬足以為百代箴規之法然求之於盡書漆 同歸於臧者師氏抑有助馬昔周太史辛甲命百官官 王以繼者也其勢近其情親其言漸若江海之浸膏澤 之深者想夫成周之隆出入起居同歸於欽發號施令 之潤日加益而不知馬周公之設官三百六十官必掌 事事必寓一意而師氏獨列地官之屬實周公致意 東策小集 <u>‡</u>

金为中屋人門里 賢俊治格多盤時惟師氏記王以殿異以入之曰義曰 或未信勢疎地遠干説 理原念城惡水大計馳火盛水竭城勝惡微無開移 誠意懇好先養所長姑置所短性復其原善迎其端 若昔忠臣格君之非故心沃心日化月移雖有嘉猷情 復己師氏之諫惟 事而為箴曰 聖學功不可刊多麗之欲將發復止暴慢之慮將的 一惟精君失無迹我諫無形於惟辟 聽差周之與稽古建官左右 輔 清

唇誤爰勒成書上干乙覽臣其誠惶誠恐頓首頓首恭 以光堯壽聖太上皇帝道參覆載功冠古今凡的令之 復作斯理不易小臣司規敢告執戟 諾唯唯堂下日遠堂上日高雖復虚宁鳥知民勞聖人 臣某言舜恐在躬大一人之聖孝堯言布下輯三紀之 氣體點移其道大光苟不鑑此正直屏棄僕隸之臣諾 王獨制萬乗必求暖賢舉以自近旦承慕獨前替後襄 こうこここ 代提舉編類聖政所進建炎紹與部首表 東東小東 =

禁而録後昆士氣如洗闢正路以來箴諫塞幸門而嚴 授受之公心繼照云初增光是篇肆趣粉於復指俾具 井而有條颺之康衢亦洋洋而盈耳登泰和之体運啟 豐恤刑心至於無刑急士並收於多士揭於象魏固井 憲章的革輅以勞軍萬屯思奮肅芝車而耕籍九扈告 播敷治風雷之皷舞辨邦誣而刊謗史前烈用光弛黨 協編摩言如然而出如綸昭華簡冊大作綱而小作 設於攸司肇自建炎之元及紀紹與之號旁加泉集胥

時俗行恭惟皇帝陛下明兩作離函三為極問龍樓之 寝內開性命之精 微細鳳檢之書外考典謨之渾瀾速 此奏篇之御翕然發政之新臣服在宰司幸規丕範初 とこうことこう 誠恐頓首頓首謹言 之至所有建炎紹與詔古謹隨表上進以聞臣某誠惶 子夏得其書矣鳥測淵源臣無任瞻天望聖激切屏營 何勞於率獨弟有愧於視成學問見而知之豈容倫擬 列章程集致治之指模萃保那之軟轍于帝其訓與 東東外集 7

尚矣武帝元狩六年将立三子為王御史大夫奉輿地 周知廣輸之數而職方氏之圖復加詳馬迨漢減泰蕭 策而從之說以大策有天下不足定之語其後帝登城 始見史遷之所載可考也光武皇帝之徇河北鄧禹杖 圖請所立國名乃開齊燕廣陵之封興地圖之名至是 何先收其圖書始具知天下院塞户口多少之差然則 輿地之有圖古也自成周大司徒掌天下土地之圖以 漢輿地圖序

樓披輿地圖指示船曰天下郡國如是今始乃得其 シューシューシューラー・野 能禦之者光武之在河北崎嶇於封豕長蛇之間順目 意而為之序曰自古合天下於一者必以撥亂之志為 按圖分封並建諸子以為藩屏嗚呼盛哉用敢紬繹其 故能兼制六合司空之所掌無寸地尺天不歸於封域 下當神州亦縣未入經略之際其君臣更相激厲如此 子前言天下不足定何也禹復申其說益光武志在天 主志之所嚮可以排山嶽倒江海開金石一念之烈無 東菜外集

果何所恃哉亦恃其撥亂之志而已光武之志以皇天 雷九流渾淆三綱反易雖十家之市無寧居者則光武 祖宗之所負必使吾祖宗之舊物咸復其初然後吾責 之責也責之所在雖有登天之難不敢辭雖有暴虎之 裂肌更相長雄積甲成山積血成川積氣成雲積聲成 始塞馬此志一立故雖處一郡之地而視天下之廣旨 厄不敢避雖有蹈水火之危不敢回奮然直前以償吾 全付所覆於我有漢今乃瓜分幅裂淪於盜賊此子孫

吾囊中物於夜以謀之反復以思之其披輿地圖之際 者及既有其志則規模先定機謀先立兆之於前而必 奉賊之兵奚翅十倍恢復之功猶捕風緊影若不可期 未立則一郡至小而**奉賊之地異翅十倍吾衆至少而** 慷慨憤悱氣干雲霄撥亂之志益肇於此矣方其志之 臣僕也彼方繕塞置成而不知吾已破之於堂上彼方 物也若盆子若王昌若罵若述若步若豐皆吾志中之 之於後若青若齊若龐若蜀若楚若越皆吾志中之 TE TE 東京外集 7

武之志也斯其所以祀漢配天不失舊物颇厥後建武 則 藩臣之列是知光武有一天下之志非特與地圖之所 我冠被我而不知吾已縛之於智中是以論光武克復 十四年比數五原塞顧為藩蔽乃立之為南單于伸預 二十二年匈奴右真難日逐王比遣使奉匈奴地圖二 郡縣之蹟則有難易馬有先後馬若夫光武恢復之志 一邑而始思得一州得一州而始思得一部哉大矣光 披輿地圖而三萬里之幅員皆入於靈府宣管得

金分口屋石雪

紀皆為臣妾而匈奴地圖之所紀亦為臣妾馬則志也 雜襲投石思奮什伯其耦閱習以程其能親臨以作 闙 靈承上帝之威命建隆之元詔天下簡驍鋭之士成集 臣仰惟藝祖皇帝天造神斷手提干將灑掃華夏以丕 者其撥亂濟世之樞極敷故述之以告來者謹序 氣所以摩厲之者甚至至於三年乃且鑾輅御便殿 下罷其選儒者命郡國蒐補其數馬四方之兵魚鱗 太祖皇帝閱武便殿頌 1 **北た小**生 ıfi

忻 四果 **金灰四月全書** 勇怯以為殿最賞春罰秋風動營壘用能東征西伐 閉武陸或百重形廷如砥扛鼎剋關之雄落鵰穿楊之 技影繆鳴劍之銳並效其能天容日表不違咫尺視其 有丕功一 不 一於殿陛之間而以功於千里之外関之於踐祚之初 陨減者蓋藝祖閉習之功有以先之也嗚呼藝祖閉 収功於歷年之遠所以放佑列聖開炎宋丕丕之基 而平李煜兵鋒所獨如雷如霆如推枯如破 舉而平荆湖再舉而平對漢三舉而平劉銀 T. 顯

謹竊述其事拜首稽首而作頌曰 者閱武之功居其多馬大矣哉聖人創始之沈幾也臣 神指布於幅員尺籍伍符簡其剽銳造於王庭庸較 天景命神武奮張六合底定開乾闢坤厥惟初元肆發 藝羊質虎皮力不勝兵是法是斥練擇惟精時其三 天造草味野戰羣龍分割河山風氣不通皇矣藝祖受 **斾如植有聞無聲貝胄朱級流星白月南其式容行行** 天臨廣殿曰熊曰熊賈勇自獻陛廉九級左城右平旌 てこう ラーニラ 東東外集

金厂口屋 勞第賞轅門之下交相激揚雖怯心勇雖柔心强靈旗 出奇入正滅沒無蹤帝臨軒陛乃嘉乃獎積金至斗師 虹弓翻滿月怒氣回薄髮衝此裂静如磐石動如飄風 伍伍前疊楊葉後貫戟支連袂逢蒙比角由基剱躍長 緊閉目力藝祖聖武同符禹湯混一書契于古有光藝 與煜惟狂童羈以長繩於赫王旅動而無敵採厥本原 南指荆湖街壁萬仞劍門如入吾室俘囚劉銀海波不 聖謨克開鴻業列聖閱武相望史牒豈無顯徳其規

117111

尚書五兵臣石等言臣聞衆勝天而定勝人終歸助 頌颺之金石 未洪亦有驪山其刑未公大哉斯舉百王之極小臣作 皇帝陛下握符出震東蘇東乾嗣元帝之鴻屬紹隆基 直為肚而曲為老鳥可恃强自古以來斯理可考所以 兹狂屬挽我清時追兹妖孽之平永息煙塵之警然惟 牧野若林之旅問敵有周昆陽彗雲之鋒亦殲於漢蠢 晉征虜將軍征討大都督破行堅露布 東菜外集 芸 順

鐵將取滅身之禍乃與入寇之謀蕩析里問誅求車甲 等督率然徒奮揚義武彗侵箕尾謫久見於盗區歲次 來問民於死將整師而臨滄海欲投鞭而斷江流臣石 堅之山虚據中夏以憑陵陷張掖而吞西凉失吾藩輔 緒繼金行之正統維御紀綱俊彦具來烝黎成人惟待 破荆州而得鑿齒俘我英賢罔知倚伏之機徒肆騙淫 欲徙其氏户井念阿脂之歌電厥鮮卑不顧魚羊之 則忘故老垂絕之論近則忽羣臣至切之言掃境而

斗牛祥已開於王略体符點北勇氣倍增彼方嚴洛澗 隔岸相持對營並時用輔國之良策因朱序之獨言謂 易退難敢同解瓦既前部之告潰復陽平之云亡乃撥 欲交鋒盖先退舍所賴神奪之鑑天誘其表軟陰觸於 之也我已效梁成之首拾項城之蟻聚瞰淝水以狼貪 こう「 玄功冠諸帥以八千之慓悍剪万萬之腥擅苻堅流落 渦機獨自投於死地初意來危邀險勢若建領軍知進 天鉤紛争投於鎧仗轍亂旗靡競大葉於營屯時惟謝 たれりま

僅存措躬無所臣石等溫司戎律親奉春謨雲起龍縣 金月四月五十 絕奏轉鍾而獻愷斯皆王靈遠被聖略遙臨復前世之 草菜間關險阻傷既深於流矢食不厭於壺飱顛贖窮 長安共與感慨封狼居而禪姑行當效驅馳臣等無任 深響雪遺黎之宿憤華夷問擇日月清明登灞岸而望 運際功名之會風聲鶴唳威加督亂之區援抱皷以忘 途過項籍烏江之窘零丁匹馬猶本初官渡之歸殘息 慶快激切屏營之至謹遣其官奉露布以聞

W. College of the last of the		
Cr. 10 at 1.15	们協制当分	
9		
1 2.1.		
1 1		
来		
F-7.		

東菜外集卷四						金月世五人
					1	T
						卷四
				:		
						_
<u>.</u> . !		 	ida - Marangaler est e			